

ऐतरेयब्राह्मणे प्रथमपंचिका.

श्रीगणेशाय नमः ॥ ओँ ॥ अग्निर्वै देवानामवमो विष्णुः परम-
स्तदंतरेण सर्वा अन्या देवता. आमाविष्णवं पुरोळाशं निर्वपंति
दीक्षणीयमेकादशकपालं. सर्वाभ्य. एवैनं तद्देवताभ्यो ऽनंतरायं निर्वपंत्य-
ग्निर्वै सर्वा देवता विष्णुः सर्वा देवता एते वै यज्ञस्यांत्ये तन्वौ यद-
ग्निश्च विष्णुश्च. तद्यदामाविष्णवं पुरोळाशं निर्वपंत्यंतत एव तद्देवानृ-
भ्रुवंति. तदाहुर्यदेकादशकपालः पुरोळाशो द्वावमाविष्णू कैनयोस्तत्र
कृप्तिः का विभक्तिरित्यष्टाकपाल आग्नेयो, ऽष्टाक्षरा वै गायत्री गाय-
त्रमग्नेश्छंदस्त्रिकपालो वैष्णवस्त्रिर्हीदं विष्णुर्व्यक्रमत. सैनयोस्तत्र
कृप्तिः सा विभक्तिर्धृते चरुं निर्वपेत यो ऽप्रतिष्ठितो मन्येतास्यां वाव
स न प्रतितिष्ठति यो न प्रतितिष्ठति. तद्यद् घृतं तस्त्रियै पयो ये
तंडुलास्ते पुंसस्तन्मिथुनं मिथुनेनैवैनं तत्प्रजया पशुभिः प्रजनयति
प्रजात्यै. प्रजायते प्रजया पशुभिर्य एवं वेद. आरब्धयज्ञो वा एष
आरब्धदेवतो यो दर्शपूर्णमासाभ्यां यजत आमावास्येन वा हविषेष्ट्वा
पौर्णमासेन वा, तस्मिन्नेव हविषि तस्मिन् बर्हिषि दीक्षेतैषो एका
दीक्षा. सप्तदश सामिधेनीरनुब्रूयात्. सप्तदशो वै प्रजापतिर्द्वादश मासाः
पंचर्तवो हेमंतशिशिरयोः समासेन तावान्संवत्सरः; संवत्सरः
प्रजापतिः. प्रजापत्यायतनाभिरेवाभी राध्नोति य एवं वेद ॥ १ ॥

यज्ञो वै देवेभ्य उदक्रामत्तमिष्टिभिः प्रैषमैछन्यदिष्टिभिः प्रैष-
मैछंस्तदिष्टीनामिष्टित्वं. तमन्वविंदन्; अनुवित्तयज्ञो राध्नोति य एवं